


*Teol. 4035*

*Jos. Jem. Patrum Crac. Constitutiones ex universa  
Theologia.*







# CONCLUSIONES EX VNIVERSA THEOLOGIA.

## De DEO VNO & TRINO.

**D**EI existentia est denotabilis à posteriori tantum, Primordialis conceptus Dei formaliter ex modo nostro concipiendi consistit in ratione. **ENTIS** à se. De Natura Divina & Relationibus ad intra, quæ identificantur realiter immediate cum Natura, verificatur prædicta contradictoria primordionalia, & in omni reali. Ad quæ verificanda non sufficit pura Rationis Distingtio, nec distinctio Formalis ex natura rei Scottica, aut virtualis Thomistica.

**D**ISTINCTIO realis mediata seu extensivè inadæquata inter Naturam & Personas Divinas datur. Rectè vocatur realis in tertio, & virtualis intrinseca. Est sufficiens ad salvanda prædicta contradictoria, à parte rei iuxta fidem verificabilia de Natura & Personis Divinis. Vi ipsius salvatur in Deo nullam dari ipsiusmodi Naturæ secundum se acceptæ distinctionem & pluralitatem. Fundat Prædicationes Objectivas inter illas tantum formalitates, inter quas ipsa datur. Hinc Essentia & Attributa Divina solam præcise formaliter ex parte adus.

**N**atura creatura potest videre Deum comprehensivè, nulla potentia materialis potest elevari ad videndum Deum immediate, nulla est possibilis substantia creata, cui sit connaturalis visio Dei, immediata, Species Impressa clarè representativa Dei non datur in beatis, est tamen possibilis. Lumen gloriæ est causa immediata partialis efficiens cum intellectu Visionem Dei. Impossibile est videre Essentialiter divinam sine Personalitatis vel attributis, vel è converso; aut ipsam Personam sine alia.

**S**CIENTIA Divina Objectum Formale est sola Essentia Divina. Creaturae possibiles cognoscuntur à Deo tum in seipsis, tum in Omnipotentia Dei. Libera absolute futura cognoscit Deus ab æterno infallibiliter, & determinatè per scientiam Visionis: Non videt verò ea in vilo Prædicto suo necessario & absoluto; Neg. in Decreto Prædeterminativo, aut Prædeterminativo efficitur ante Scientiam Mediam; neg. in Causis secundis liberis quomodocumque prædispositis. Sed potius cognoscit illa in seipsis, quatenus pro sua differentia temporis coexistentibus Divina æternitatis.

**V**ltra Scientiam simplicis intelligentiæ & visionis, dari in Deo Scientiam certam & infallibilem adum totorum liberorum, sub qualibet differente conditione possibilis, futurorum, certum est ex Scriptura, SS. Patribus, & ratione. Hæc Scientia rectè dicitur Media inter Scientiam simplicis intelligentiæ & visionis strictè & propriè sumptis. Per illam cognoscit Deus libera conditionata futura immediate in seipsis, independentè ab omni decreto absoluto ex parte adus, conditionata ex parte Objecti.

**V**OLUNTAS Divina pro objecto formali motivo adæquato habet solam Bonitatem Incretam Divinæ Essentiæ. Adus Dei Liber sumptus materiali, aliter quoad formam volendi, aut nolendi, ad quæ identificantur soli Deo: si accipitur formaliter in ratione liberi, & contingentè applicati, vel contingentè non applicati, necessario intrinsece constitutivè compleri debet aliquo creatio positivo, vel negativo; ita, ut implicet illum constitui aut per continuationem solam æquivalentem, aut per terminationem ad extra solam virtualiter distinctam ab Essentia Dei.

**P**ROVIDENTIA Dei essentialiter constituitur tam per actum intellectus, quam per actum voluntatis. Exercent eam Deus de omnibus contingentibus per unicum ex parte actus adum liberum. loquendo objectivè tam realiter, quam virtualiter intrinsece. Prædeterminatio electorum ad gloriam formaliter ex parte Objecti, nec est ante, nec post prævisam absolute meritum, sed simul cum visione absolute meritorum; ceterum formaliter ex parte adus apprehendens Divinam volitionem de danda gloria in actu volitionum creaturarum. Prædeterminatio potest esse ante & post iuxta diversum modum concipiendi divina in actu creatorum.

**T**RINITAS Personarum Divinarum est supra, non contra lumen Naturæ. Personæ Divinæ ut distinctæ à Deitate dicuntur ratione sui aliquam perfectionem per se essentialitatem. Nulla datur in Deo Substantia absoluta Physicè communis tribus Personis Divinis. De Fide est solus Filius in divinis generari, eius ratio probabiliter hæc est, quod solus Filius procedat in similitudinem naturæ Patris. Verbum Divinum per se procedit ex cognitione Essentiali. Attributorum, & omnium purè possibilium, non autem contingentium. Si Spiritus S. non procederet à Filio, non distingueretur ab illo.

## De ANGELIS & ACTIBUS HUMANIS.

**A**NGELOS existere fides docet; ratio naturalis Metaphysicè non demonstrat. Sunt Substantiæ creatae, complexæ, Spirituales, intellectivæ, substantialem simplicem, incorruptibiles ex Natura rei, & non præcisè ex voluntate Dei. Implicat tamen Angelus, qui essentialiter ex magnitudine suæ perfectionis nec divinitus fieri destruitur. Datur inter Angelos specifica diversitas. Imò probabilis etiam numerica inter eandem speciem.

**I**ntellectus Angelicus ad omnium rerum se distinctarum cognitionem indiget speciebus impressis, quas non accipit ab Objectis, sed initio suæ creationis à Deo concretae habet. Non repugnat Species Universalis in representando. Imò de facto eiusmodi species dantur. Et quod Angelus est perfectior, eo per universaliores Species objecta intelligit.

**A**ngelus Naturæ suæ relictus Deum non potest cognoscere intuitivè clarè, potest æigmatice. Secreta cordium non potest certo cognoscere abique consensu elicientis illa. Similiter Futura libera antequam existant. Præterea tamen ordinis naturalis, quæ non involvunt cordis secretum, immediate in seipsis ab illis posse cognosci est probabile.

**N**on discitur de evidentibus, de obscuris tamen, qualia sunt supernaturalia, futura libera, arcana cordium, bene potest divinare. Illicio Angelorum adinvicem fieri per liberam Ordinationem proprii conceptus ad audientem; non autem per productionem de novo specie impressæ in audiente, aut per signa materialia; per signa tamen spiritualia potest probabiliter hæc locutio fieri.

**V**OLUNTAS illorum Physicè & ex natura sua non est immutabilis: Moralis tamen inflexibilis voluntas Angelica non neganda videtur. Poterant peccare in primo instanti suæ productionis, loquendo de potentia peccandi physica, non solum in statu elevationis, sed etiam in statu puræ Naturæ relictæ.

**I**n primo instanti Creationis omnes Angeli habuerunt Gratiam tam Habitualement, quam Actualement. Ad habitualement probabilis disposuerunt se per actum supernaturalem dilectionis Dei super omnia, meritorum gratiæ & gloriæ solium de congruo. Sequenti instanti instantibus meruerunt augmentum virtutis, de congruo. Probabilis est Gratiam Habitualement, imò etiam gloriam collatam esse Angelis inæqualiter cum quadam proportionem etiam ad ipsorum naturam.

**F**INIS VLTIMUS, ad quem creatura rationalis actiones suas refert debet, est Beatitudo: quæ Objectiva est solus Deus. Formalis primaria ac primordialiter constituitur Visione intuitiva Dei; licet in amore amicitiae ac fructu summi Boni secundariè consistat: nullatenus tamen in amore concupiscentiæ essentialiter potest consistere.

## De PECCATIS & GRATIA DIVINA.

**P**ECCATUM quatenus est malum morale, definitivè est Exercitium libertatis disconveniens Naturæ rationali quæ tali, disconvenienti proximè ordinè actuali libera voluntas contrarietione, practico dictamini conscientie proponenti hanc disconvenientiam. Theologicum requirit advertentiam ad offensam Dei; sine qua non erit formaliter Offensa Dei. Possibile proximè est peccatum purè Philosophicum.

**M**alitia moralis peccati Actualis Commissionis formaliter consistit in positivo. Differentia inter Morale Theologicum & veniale, est, quod in Morali sit Dissolutio ad Naturam rationalem, ora ex contraventione voluntatis perfectè libera dictamini practico, hoc est contra legem Divinam, prohibentem graviter, aut immanentem actionem: scilicet accidit in veniali.

**P**ECCATUM Morale Habitale, in statu præsentis elevationis ad finem supernaturalem, non consistit in negatione Retractionis, vel Carentiæ Divinæ Condonationis, nec in Actione peccaminosa præterita manente per modum præsentis vi suarum Causarum conservatarum moraliter: Sed formaliter & intrinsece constituitur Actum peccaminosum Physicè præterito, & Privatione Formæ Sanctificantis, quatenus inducta demeritorie per Peccatum præteritum.

**P**ECCATUM similiter Originale consistit formaliter adæquatè tam in ipso Peccato Actuali Adami, ipsi Physicè, postteris verò moraliter voluntario, quatenus ratione Patris cum Adamo ini per viam generationis naturalis in nos derivato; quam in Privatione Gratia Sanctificantis, tanquam in ipsius effectu.

**G**RATIA DIVINA, prout à Patribus contra Pelagium asserta, descriptivè, est Donum Supernaturale ex Meritis Christi Creaturae rationali à Deo conferibile ad finem Beatitudinis supernaturalis Ordinalium, & necessarium. Sic explicatur Gratia dari de fide.

**E**XCITANS seu Operans adæquatè consistit in sancti illustratione intellectuali, & pia affectione voluntatis. Quæ præter Causam formalem Moralem in actus salutare, adhuc propriè Physicè & immediate inducit in eodem simul cum voluntate. Causa adæquata actum supernaturalem non est sola Gratia Adjunctiva, sed etiam ipsa voluntas creata, ita ut utraq; immediate per seipsam concurrat ad eandem adus.

**G**RATIA Efficax in Actu primo spectata, secundum quod dicitur per materialia, est ipsa Entitas auxilij prout operatur effectus gratiosi. Si autem spectetur formaliter, quatenus hæc infallibiliter importat, præter Entitatem auxilij secundum se intrinsece indifferens ad virtutem dicitur in obliquo consensum nostrum conditionatè futurum per scientiam mediam prævisum.

**H**inc Gratia quatenus efficitur, non consistit in vili Prædeterminatione Physicæ, aut in Decreto Divino antecedente aut concomitante Absoluto ex se efficitur, quod Deus decernat, independentè à prævisione liberæ cooperationis per Scientiam mediam, effectum infallibiliter futurum. Nec in Excessu Vocacionis supra tentationem oppositam. Nec denique in tali Auxilio, quod possit operari, vel non operari; nihilominus tamen infallibiliter de se, & ex suis intrinsecis sit operaturum; siq; intrinsece essentialiter connexion cum una parte electionis determinatè sumpta.

## De FIDE DIVINA.

**F**IDES Theologica promissivè tam pro actu, quam pro Habitu sumitur, estq; vel Actus, vel Habitus assentiendi Deo loquenti, propter autoritatem eiusdem, ita ut creatura, non solum id quod dicitur ab eo, sed etiam id eo, Quia dicitur. Præter Motivum volendi credere, necessarium admitti debet Motivum distinctum, quod fit ratio formalis ipsius assentiendi Fidei Divinæ.

**N**ihil fallibile & creatum potest esse totale, vel pariale Motivum Intrinsecum Fidei Divinæ. Hinc nec Autoritas Ecclesiæ humana, nec Extrinseca Dei revelatio, nec veritas credibilium, sumpta, tam præcisè secundum se, quam cum prævalente Autoritate Dei, potest movere formaliter ad assensum Fidei.

**D**EITAS, ut ab omnibus attributis, omniq; ad veritatem respectu præcise. Fidelitas Dei, suppositio, quod distinguatur ab Attributo veritatis Dei. Omnipotentia, aut Supremum Dei Dominium, Fidem non formalitè.

**P**otius igitur Revelatio Dei activa, seu Locutio Dei interna. Veritas item prima tam in dicendo, quam in cognoscendo, sunt Motiva partialia formalia Fidei Divinæ. Unde vltima Resolutio assentiendi Fidei Divinæ, circa aliquod determinatum Mysterium. Est ipsa veritas Divina Revelans, seu, Quia aliquid ille, qui nec falli per essentiam, nec fallere potest, revelavit.

**Q**uando attentis omnibus circumstantijs, prudenter iudicari potest, & debet, miraculum aliquod deferre ad confirmationem doctrinæ fidei, tunc illud non potest fieri à Deo, sive per se solum, sive interventu alicuius Instrumenti Creati, quamvis dictum falsum Minister, fieri illud à Deo, ut confirmetur aliquod dogma falsum.

**H**inc Deus, non potest esse Causa per se erroris, tam actualis, quam Habitualis, neq; totalis, supposito, quod sit possibile actum partialis erroris produci ab Extrinseco, non concurrente Potentia vitali; neq; partialis, produciens errorem ex intentione cum Creatura Rationali, sive moralis, sive Physicæ, sive immediata, sive mediata, intendens decipere Creaturam Intellectualem per se ipsam, aut per alium.

**P**rativè, seu apparenter revelatum, non potest esse Objectum Fidei Divinæ. Possunt autem credi fide Theologica privim revelatum, virtualiter revelatum, si hoc realiter identificantur cum sua radice formaliter revelata; Revelatum implicite, quando de continentia illius in explicite revelato constat certitudine sufficienti. Proinde de Fide est hunc numero summum Pontificem INNOCENTIUM XI. esse verum a legatum Christi in terris Vicarium.

**N**on implicat Objectum cognitum per actum Physicè, vel moraliter evidentem, credi simul per assensum Fidei Divinæ, imò & illud, quod est evidens Metaphysicè, evidentiæ, tam inferiori, quam superiori generis. Cognitum item per opinionem radicaliter formidolosam, loquendo absolute potest simili substatè actu Fidei Divinæ, non tamen cognitum per cognitionem actualiter formidolosam.

## De IVSTITIA.

**I**VSTITIA supponens pro hac, quæ est vna à Cardinalibus quatuor virtutibus, est virtus specialis essentialiter ad alterum. Objectum illius Materiale proximum, sunt Actiones, tam internæ, quam externæ, quibus tribuitur alteri, quod suum est. Formale, est æqualitas moralis, cum iure alieno. Medium eiusdem, est Medium rei.

**D**ominium rei eiusdem, plenum, intrinsecum, & absolutum, possibile est in Creatis penes duos; in eodem instanti donationis & acceptationis. Potest distingui dominium, ab usu rerum, etiam vnicuique usu consumptibilium. In Deo non datur rigorosa iustitia respectu creaturæ.

## De INCARNATIONE VERBI DIVINI, & PRETIOSISSIMA DEI MATRE.

**I**NCARNATIO Divina à nullo creato intellectu evidentè naturaliter cognoscitur potest. Est conveniens tam Negativè, quam positivè, respectu Dei, Naturæ humanæ, totius universi. Deus ante omne liberum decretum, nullo modo necessitatur ad Optimum extra se, ac proinde nec ad ponendam Incarnationem. Imò hanc non tenebatur decernere etiam ex suppositione peccati vel tollendi; hæc ex suppositione voluit condignæ satisfactionis necessaria fuerit aliqua Vnio Hypostatica.

**P**ECCATUM Morale Theologicum, etiam sub conceptu Personalis offense spectatum, non est simpliciter intrinsece infinitum. Adhuc tamen nulla pura Creatura potest condignè & æqualitatem satisfacere pro offensa Morali Personalitè Theologica: imò nec potest mereri remissionem peccati moralis. Licet possit purus homo condignè satisfacere tum pro peccato Philosophicè gravi, tum pro iniuria reali quæ tali orta ex Morali Theologico.

**S**ATISFACTIO Christi Condignitatem habuit ex se ipsa in actu primo. In actu secundo requisivit acceptationem Dei tanquam meram conditionem. Unde valor satisfactionis & Meritorum Christi in actu primo, independentè ab omni acceptatione Divina, est intrinsece simpliciter infinitus tam intensivè, quam extensivè. In actu verò secundo infinitus solum intensivè.

**I**NCARNATIONIS à Deo decretæ fines partiales fuerunt, Excellentia Christi, Perfectio Universi, Dignitas Capitis, & Remedium peccati. Hinc Adamo non peccante ex vi præsentis decreti Christus non venisset. Porro Christus est decretus simul, etiam virtualiter intrinsece, cum permissione & prævisione absolute peccati, loquendo ex parte Objecti, scilicet ex imperfecto modo concipiendi. Ceterum hæc prioris rationes, est inutilis ad conclusionem veritates reales quales sunt, Christus venisset vel non, Adamo non peccante; prima Gratia data est Angelis & hominibus ex meritis Christi, & similes.

**V**NIO HYPOSTATICA est Entitas Modalis, Substantialis, Supernaturalis, intrinsece constitutiva denominationis Vniti. etiam in abstracto Sanctificans Humanitatem formaliter in suo genere. Humanitas Christi ex vi Vnionis Hypostaticæ, Physicè, formaliter, substantialiter, immediate Sanctificatur Sanctitate Inherente Verbi, etiam prout distincti virtualiter à Deitate: à Natura verò Divina non nisi mediata. Hinc Humanitas Christi immediate ratione vniionis Hypostaticæ est absolute impeccabilis, tam in sensu Composito, quam in sensu Diviso, pro instanti reali Vnionis; licet, loquendo de potentia absolute, non repugnet à Verbo assumi Humanitatem quæ ante Vnionem peccasset, aut post destructionem Vnionis peccatura esset.

**V**ERBUM DIVINUM immediate assumptum Naturam humanam solam & totam tam essentialiter quam integraliter. Potuit Divinitus assumi Natura humana terminata per propriam substantiam, non assumptam. Possunt item omnes Personæ Divinæ simul assumere unam Naturam creatam, vel una Persona plures Naturas; Defacto solum Verbum immediate assumptum Humanitatem, & quidem secundum aliquod Relativum proprium Personæ VERBI. Non implicat quancumq; Naturam irrationalem etiam inanimatam immediate assumi à Persona Divina.

**L**IBERTAS CHRISTI in moriendo, quoad substantiam adus, salvè impeccabiliter, & admisso Præcepto rigoroso, non salvatur per implicitam præcepti post præconsultam Christi libertatem: nec per anticipationem mortis; nec per electionem aliarum circumstantiarum. Sed per hoc quia CHRISTUS libere voluit petere dispensationem in præcepto mortis, imposito sibi sub conditione, etiam quoad vim obligandi.

**M**ARIA Virgo Beatissima in primo instanti suæ Conceptionis fuit IMMUTATA: nec habuit proximè debitum contrahendi peccatum Originale. Est propriè Mater Dei. Maternitas ipsius est forma sanctificans. Ipsi ex natura rei debentur omnes Perfectiones concessæ, cuiusq; creaturæ quandoque existenti. Valde probabile est, quod Gratia in primo Conceptionis instanti collata Dei-PATRI omnem omnium hominum & Angelorum gratiam collectivè acceptam superaverit.

## De SACRAMENTIS.

**S**ACRAMENTUM ut sic, præter materiam & formam, intrinsece etiam, constituitur Ministri intentione factum virtuali & quæ vltimo resolutorie.

vult productionem effectus Sacramentalis, ad exhibitionem talium signorum. Novæ legis Sacramenta defacto tantum moraliter causant gratiam in instanti intrinseco terminativo, si hoc datur: Imò etiam divinitus non possunt eam causare physice. Idem specie Sacramentum ex opere operato confert gratiam inæqualem inæqualiter dispositis.

**E**CHARISTIA SACRAMENTUM, intrinsece importat Species Panis & Vini. Verba Consecrationis Corpus & Sanguinem CHRISTI, ac rationem formalem, quæ CHRISTUS est sub Speciebus. Materiam ipsius remota est solus Panis triticeus vitalis, & Vinum de vite expretum vitale, cui aqua admixta in Calice, immediate convertitur in Sanguinem CHRISTI vi Verborum Consecrationis. Vitis passiva Eucharistiæ non est pars essentialis, imò nec integralis huius Sacramenti.

**P**ENITENTIA de peccato, est simpliciter Virtus moralis, specialis, non tamen ex suo essentiali conceptu intrinsece supernaturalis. Objectum eius formale adæquatum respectu actum prosecutionis elictorum est Bonum, deletionis peccati ut assequibile per actus Penitentis. Unde Penitentia est Habitus purè emendativus; purè reflexivus, non tamen purè fugitivus, nec formaliter elictivus odij & doloris de peccato ut peccatum est, per ly VT, reduplicando rationem formalem QVIA.

**M**ateriale objectum Penitentia, sumptæ quo ad actus elictos, sunt actus aliarum virtutum, conducentes ad deletionem peccati: sumptæ verò quo ad actum Retractionis à se imperatum, est omne & solum peccatum à propria voluntate Penitentis traditum: sumptæ demum quo ad actum simplicitatis dolorosæ, est etiam peccatum originale, peccatum alienum, Privatio gratiæ, Reatus poenæ temporalis.

**S**ubjectum Penitentia, si Habitus supernaturalis virtutum moralium realiter distinguuntur à gratia habituali, non est Christus Dominus, nec Beatissima Virgo: sunt vero alij Beati. Quodsi prædicti habitus virtutum realiter identificantur gratiæ tunc etiam in Christo & Beatissima Virgine admittuntur habitus Penitentia: Nihilominus adhuc tunc Christus & Beatissima Virgo non denominarentur ab Habitu Penitentia.

**D**efacto non datur vllus cumulus possibile est aliquod peccatum essentialiter & intrinsece irremissibile, propter connexionem intentionalem cum decreto Dei: ipso non remittendo. Possibile item est vt sine vilo actu peccatoris fiat iustificatio completè & adæquatè sumpta: etiam iuxta præsentem Dei ordinationem factus contingat in adultis.

**C**ontritio perfecta debet fieri ex motivo charitatis: vnde est super omnia excelsa appetitativo saltem virtuali. Est indivisibiliter defectivo formalis peccati, & expressus amor Dei. Magis desideratur peccatum proprium leve quam alienum grave. Non est, simpliciter loquendo, forma iustificans peccatorem. Attritio orta ex solo timore poenarum & turpitudine peccati est actus honestus estq; sufficiens ad iustificationem in Sacramento Baptismi & Penitentia.

**M**ORALIS permanentia peccati physice præteriti, constituit peccatum morale, in ratione habitualis, universaliter debet ad finem vltimum prout demeritorie inducitur per actum peccaminosum physice præteritum. Hinc repugnat vt remissio peccati moralis habitualis fiat per condonationem purè extrinsecam: vel vt gratia habitualis iter simul cum peccato mortali; ac in ratione remissivæ compleatur per favorem Dei merè extrinsecum. Implicat etiam remitti peccatum mortale, antequam fiat, dum fit, aut vnum sine alio.

**P**ECCATA semel per iustificationem dimissa non redeunt per subiequentia peccatum. E contra verò, merita per peccatum mortificata, per penitentiam iustificativam reviviscunt integrè cum tota gratia, ad quam ante peccatum fuerant acceptata à Deo. Poena temporalis debita peccato mortali remisso aut debita peccato veniali etiam non remisso in hac vita, non fit æterna per accidens ex coniunctione cum peccato mortali finali.

A. M. D. G. L. V. M. H.

Defenduntur publicè à PP. Societatis IESV, in Collegio Cracoviensi eiusdem Societatis. Anno 1683. Mense Junio Die 14 Horis consuetis.

CRACOVIAE, Typis FRANCISCI CZARY S. R. M. Illustr. ac Reverend. Dñi. Episc. Crac. Ducis Severiæ, Necnon Schol. Novodvors. Typogr.



UNIVERSITY OF CHICAGO  
LIBRARY

UNIVERSITY OF CHICAGO  
LIBRARY

38665



Varia  
Impressa  
Guaqua lib. J.

25 June 1683  
veneranda  
supra



Varia  
Impressa



